



Marshfield Clinic

HEALTH SYSTEM

**LUB NTSIAB:** Tsab Cai Txog Kev Pab  
Nyiaj Them Nqi

**Hnub Pawg Neeg Tswj**  
**Pom Zoo: 12/15/2020**

**PIB SIV:** 02/01/2022

**TUS ZAUV CIM**

**TSAB CAI:** SXKPPKZ72WEZ-3-924

**HU RAU:** JoAnn Yohn, lwm tus thawj tswj hwm cov nyiaj tau los

**I. Siv rau**

Marshfield Clinic Health System, Inc. (hu ua "MCHS" rau lub hom phiaj ntawm txoj cai no), MCHS Hospitals, Inc., thiab cov koom haum ua tus tswv thiab tswj los ntawm xws li, tab sis tsis txwv rau:

- Tag nrho Marshfield Clinic qhov chaw thiab cov kev pab cuam.

**Cov Tsev Kho Mob:**

- Marshfield Medical Center, Marshfield, Wisconsin
  - Marshfield Medical Center ntawm Rice Lake, Rice Lake, Wisconsin
  - Marshfield Medical Center ntawm Eau Claire, Eau Claire, Wisconsin
  - Marshfield Medical Center ntawm Ladysmith, Ladysmith, Wisconsin
  - Marshfield Medical Center ntawm Neillsville, Neillsville, Wisconsin
  - Marshfield Medical Center ntawm Minocqua, Minocqua, Wisconsin
  - Marshfield Medical Center ntawm Weston, Weston, Wisconsin
  - Marshfield Medical Center natwn Beaver Dam, Beaver Dam, Wisconsin
  - Marshfield Medical Center natwn Park Falls, Park Falls, Wisconsin
- Tsab cai no tsis siv rau kev pab cuam los ntawm Family Health Center ntawm Marshfield, Inc. (FHC). Kev pab nyiaj txiag muaj rau FHC cov kev pab cuam los ntawm FHC txoj cai pab nyiaj txiag.
  - Saib Cov Ntawv Qhia 3 hauv gab no rau cov npe ntawm cov kws kho mob (cov kws kho mob) uas txoj cai no siv lossis tsis siv.

**II. Lub hom phiaj**

MCHS lub hom phiaj yog los txhawb nqa tib neeg lub neej kom muaj kev kho mob uas siv tau yooj yim, them taus thiab muaj kev hlub tshua. Peb lub zeem muag yog los nrhiav tswv yim tshiab thiab phua lub ntsiab ntawm txoj kev kho mob yav tom ntej no mus ntaw

ntau tiam thiab yog tus neeg siv thawj txoj kev xaiv hais txog kev kho mob.

Yuav kom los pab tau rau nws lub hom phiaj, MCHS Pawg Neeg Tswj thiab Pawg Neeg Tswj hauv LMC, Marshfield Hospital, thiab MC tau tsim tsab cai no kom peem tsheej tias qhov uas tsis muaj nyiaj them nqi ntawm cov neeg xav tau kev pab yuav tsis thaiv lawv txoj kev mus nrhiav los sis txais kev kho mob. Cov neeg mob uas tsim nyog rau kev pab nyiaj raws li hauv tsab cai no yuav tau txais ib qho kev txo nqi ntawm lawv feem xyuam hauv daim nqi.

Cov neeg mob yuav tsum tau ua raws li cov txheej txheem hauv tsab cai no kom thiaj li ua qhia tau tias xav tau kev pab nyiaj thiab los pab rau ntawm lawv txoj kev kho mob raws lawv qhov peev xwm them. MCHS yuav tsis cais tshwj ib leej twg raws hnuv nyoog, haiv neeg, kev ntseeg, kev tsis taus, tuaj teb chaws twg tuaj, los sis yog neeg tuaj li cas tuaj rau teb chaws no thaum uas los txiav txim seb puas yuav muab kev pab nyiaj.

### III. Cov Ntsiab Txhais

**Tus Nqi Them:** Feem ntau them rau cov nqi kho mob lossis lwm yam kev kho mob uas tsim nyog rau cov neeg uas muaj kev pov hwm. AGB yog hais txog tag nrho cov nyiaj them tom qab uas daim npav pov hwm them tag lawm. Saib Tshooj XII rau kev xam ntawm AGB.

**Kev Mob Nkeeg Hnyav:** Kev mob nkeeg (suav kev mob plab yug me nyuam tib si) uas muaj cov tsos mob qhia tias mob hnyav (suav qhov uas mob heev tib si) xws li tias yog tsis muab kev pab kho mob tam sim ntawd ces yuav muaj ib los sis ntau tshaj ib qho nram qab no tshwm sim: (a) ua ib qho teeb meem loj rau tus neeg mob txoj kev noj qab haus huv; (b) ua rau lub cev puas tsuaj loj; (c) ua rau cov hauv nruab nrog cev los sis ib feem ntawm lub cev tsis ua hauj lwm.

**Kho Mob Raws Kev Tshawb Fawb:** Kev siv cov kev tshawb fawb uas zoo tshaj plaws tam sim no los txiav txim txog kev kho mob ntawm ib tug neeg mob los sis los pab tus neeg mob ntawd txiav txim txog nws txoj kev kho mob raws li qhov nws pom tias muaj nqis thiab nws cov kev ntseeg.

**Kev Tsib Nqi Nruj (Extraordinary Collection Action) (ECA):** Cov kev siv rau ib tug neeg los sau nqi them rau daim nqi kho mob uas yuav tsum tau mus hais hauv tsev hais plaub, uas muaj qhov muab tus neeg cov nqi muag rau lwm lub koom haum sab nraud, los sis muaj qhov qhia txog kev them nqi tsis zoo mus rau cov koom haum qhia txog neeg txoj kev them nqi los sis cov koom haum saib xyuas txog txiaj ntsig (credit bureaus).

**FPL:** Tsoomfww Kev Txom Nyem ntawn Tsoomfww

**Tus Neeg Them Cov Nqi (Guarantor):** Tus (Cov) neeg uas muaj txoj dej num los them cov nqi kho mob. Tus Neeg Them Cov Nqi tej zaum yuav yog tus neeg mob, leej niam leej txiv, tus neeg saib xyuas raws txoj cai, los sis lwm tus neeg uas muaj txoj dej num los them raws li txoj cai. Thaum twg hais txog “tus neeg mob” hauv tsab cai no nws yuav yog txhais tias yog tus neeg mob thiab/los sis tus Neeg Them Cov Nqi.

**Tsis muaj tsev nyob:** Ib tug neeg tsis muaj tsev nyob yog ib tug neeg uas tsis muaj ib qho chaw nyob mus tas li es nws tsuas nyob ntawm tej kev; nyob hauv ib lub tsev rau neeg pw, ib lub tsev rau cov neeg tsis muaj tsev nyob, nyob hauv cov tuam tsev uas muaj ib chaw rau

neeg nyob, nyob hauv cov tuam tsev uas tsis muaj neeg nyob lawm los sis nyob hauv tsheb; los sis hauv ib qho chaw uas tsis tus los sis tsis yog nyob mus tasli.

**Tsev Neeg:** Rau kev xyuas seb muaj pes tsawg leej hauv tsev neeg thiab tsev neeg cov nyiaj tau raws li hauv nom tswv teb chaws tus qauv teeb tseg txog feem txom nyem, Tsev Neeg mas suav xws li tus neeg mob, tus neeg mob tus txij nkawm (tsis hais seb tus txij nkawm puas nyob hauv lub tsev, los yog tsis nyob uake raws txoj cai), tus neeg mob tus khub uas tsis tau yuav yog tias nkawv nyob ua ke uas muaj ib tug me nyuam ua ke, cov me nyuam uas tsis tau muaj hnub nyoog los sis cov neeg laus uas tos noj tos haus uas nyob hauv lub tsev los sis nyob hauv tus neeg mob cov ntawv ua se federal. Yog hais tias tus neeg thov kev pab muaj npe tias yog ib tug neeg tos noj tos haus hauv lwm tus neeg cov ntawv ua se federal, Tsev Neeg yuav suav tag nrho cov tswv cuab uas muaj npe hauv. Tsev Neeg tseem yuav suav tus neeg sab nraud los sis tus neeg txhawb nqa uas tau pom zoo los lees them cov nqi rau tus neeg mob. Tej zaum yuav kom muab cov ntaub ntawv hauv tsev hais plaub los sis cov ntaub ntawv txog kev tuaj txawv teb chaws tuaj kom los txiav txim tau txog kev ua ntaub ntawv tos.

**Tsim Nyog Yuav Tau Kho:** Cov kev pab los sis cov khoom uas tsim nyog rau kev soj ntsuam, kev ntsuam xyuas seb yog mob dab tsi, thiab/los sis kev kho ib qho kev raug mob los sis ib tug mob raws li hauv cov qauv raws kev kho mob Raws Pov Thawj.

**Cov As Khauj Tsim Nyog (Qualified Accounts):** Cov as khauj tax-advantaged uas yog rau cov nqi kho mob ntawm ntiag tug, suav cov Health Savings Accounts, Health Reimbursement Arrangements, los sis Flexible Spending Accounts.

**Cheeb Tsam Muab Kev Pab:** Muaj MCHS cov cheeb tsam muab kev pab uas yog thawj cov thiab cov zus ob; txhais tias Lub Xeev Wisconsin thiab Upper Peninsula of Michigan.

- Saib Cov Ntawv Qhia 5 hauv gab no rau daim qhia kev ntawm Marshfield Clinic Services.

**Thawj Qhov Chaw Nyob:** IRS txhais tias qhov chaw nyob tseem ceeb tshaj plaws yog tus neeg “lub tsev uas nws nyob mus tas li.” Yog tias ib tug neeg yog tswv rau los sis nyob hauv ntau tshaj ib lub tsev, txoj kev ntsuas seb lub twg yog lub tsev uas nws nyob mus tas li yog siv txoj kev ntsuas “yam muaj tseeb thiab lub caij nyoog”. Cov lus qhia yam muaj tseeb uas muaj feem mas muaj xws li seb tus neeg rau npe xaiv tsa qhov twg, qhov chaw nyob hauv tus neeg txais nyiaj daim ntawv tsav tsheb, thiab seb tus neeg them cov se ua hauj lwm hauv zos los sis hauv xeev qhov twg.

**Tsis muaj kev tuav pov hwm:** Ib tug neeg uas tsis muaj daim ntawv them nqi kho mob. Cov neeg mob uas muaj kev tuav pov hwm tiam sis tseem tiv nqi vim lawv qhov chaw tuav pov hwm tsis them (suav tib si tiam sis tsis yog tas rau cov nqi yus them ua ntej (deductibles), cov nqi uas muaj ob daim ntawv kho mob sib koom (coinsurance), cov nqi sib koom them (copayments), cov kev pab ntau tshaj uas yuav pab (benefit maximums), los sis cov kev pab uas tsis kam them) mas yuav tsis suav tias yog tsis muaj kev tuav pov hwm.

#### IV. **Cov Kev Kho Mob Thaum Muaj Xwm Ceev**

MCHS yuav tsis raus tes rau cov kev ua uas yuav ua kom cov neeg tsis xav mus nrhiav kev kho mob thaum muaj xwm ceev, xws li yuav kom cov neeg mob tim chav kho mob ceev yuav tsum tau them nqi ua ntej tau txais kev kho mob los sis cia sau nqi hauv chav

kho mob ceev los sis lwm yam uas cov dej num yuav cuam tshuam rau nqe lus tias tsis muaj cais tshwj hauv txoj kev pab kho mob thaum muaj xwm ceev.

## V. Cov Kev Pab Uas Tsim Nyog

Cov kev pab uas tsim nyog rau kev pab nyiaj them nqi raws li hauv tsab cai no muaj xws li:

- a. Cov kev pab thaum muaj xwm ceev, uas yog los kho Kev Mob Nkeeg Hnyav, uas suav kev mob plab yug me nyuam tib si.
- b. Cov kev pab sai, uas yog los pab kom tsis txhob pib muaj Kev Mob Nkeeg Hnyav.
- c. Cov kev pab uas Tsim Nyog Yuav Tau Kho.
- d. Cov kev pab tiv thaiv thiab soj ntsuam uas xav kom ua raws li nyob hauv txoj kev kho mob Raws Kev Tshawb Fawb.
- e. Cov tshuaj kws kho mob sau yuav mas tsim nyog rau kev pab nyiaj them nqi yog tias daim ntawv yuav tshuaj yog los ntawm ib qho teeb meem uas tsim nyog rau pab nyiaj them nqi, uas tsim nyog yuav tau kho, ua raws li Wisconsin Medicaid tus qauv tshuaj, thiab yog yuav hauv MCHS lub khw muag tshuaj.
- f. Cov iav qhov muag coj mas yuav tsum tau ua raws li hauv Wisconsin Medicaid cov qauv taw qhia, tsuas pub ib lub hauv ib xyoos kaum ob lub hlis twg, thiab yuav txiav tau ntawm MCHS qhov chaw txiav iav. Cov tes tuav (frames) thiab lwm cov kev pab kom pom kev zoo zog uas nyob tawm sab nraum Wisconsin's Medicaid cov qauv taw qhia mas yog tus neeg mob li feem xyuam lawm.

Qhov uas tsis tsim nyog rau kev pab nyiaj them nqi raws li hauv tsab cai no yog:

- a. Cov kev pab ua kom zoo nkauj, ntsig txog kev zoo nkauj, los sis ua kom zoo zog tuaj.
- b. Cov kev pab uas txo nqi rau yog ua ntau yam ua ke (package) los sis them nyiaj ntsuab.
- c. Cov kev sim/tshawb fawb thiab cov kev pab uas muaj feem rau kev tshawb fawb, tawm sab nraum tus qauv kho mob raws Kev Tshawb Fawb.
- d. Cov kev pab uas cov neeg sab nraud tau thov txog los sis kom yuav tsum tau ua, muaj xws li tiam sis tsis yog tas rau: cov kev pab soj ntsuam ua ntej yuav mus ua hauj lwm, cov kev pab kom rov ua tau cov dej num li niaj zaus ua, cov kev pab uas txib los ntawm tsev hais plaub, cov kev soj ntsuam ib ce rau tsev kawm ntawv thiab kev ntaus pob ncaus pob, cov kev soj ntsuam cov leeg loj rau kev cov hneev tua tav toj, cov kev soj ntsuam ib ce ua ntej tawm mus txawv teb chaws, lwm yam zoo li no.
- e. Cov kev pab txog qhov ua kom muaj me nyuam xws li: kev ua kom txhob muaj me nyuam, kev thim txoj kev ua qhov txhob muaj me nyuam, thiab cov kev pab kom muaj taus me nyuam.
- f. Cov twj thiab cov khoom uas cia li yuav tom khw.
- g. Cov contact lenses.
- h. Cov kev pab uas muaj feem rau kev raug mob tom hauj lwm, kev huam yuaj los sis lwm tus neeg yog tus thaj tsob mas tsis tsim nyog rau kev pab nyiaj them nqi thaum uas tseem tab tom xa nqi mus rau tog tod them. Tus neeg mob uas raug mob mas yuav tsum tau nrhiav kev them rov qab los ntawm cov neeg sab nraud uas qhia txog qhov kev raug mob thiab caum kom lawv them rau cov nqi ua ntej nrhiav kev pab nyiaj them nqi.

- i. Lwm cov kev pab uas tsis yog Mob Tsim Nyog Yuav Tau Kho.

## **VI. Kev Tsim Nyog Ntawm Tus Neeg Thov Kev Pab**

Kev pab nyiaj them nqi mas feem ntau yog qhov ob ntawm tag nrho lwm cov kev pab nyiaj them nqi rau tus neeg mob uas muaj xws li kev tuav pov hwm, nom tswv cov kev pab cuam, cov neeg sab nraud uas muaj feem yuav tau them rau cov nqi, lwm cov koom haum uas muab kev pab, Cov As Khauj Uas Tsim Nyog (Qualified Accounts), thiab Cov Cuab Tam Uas Tshaj (Excess Assets) (raws li tshab txhais hauv “Soj Ntsuam Cuab Tam (Asset Review)” hauv qab no). Txoj kev txiav txim seb puas tsim nyog rau kev pab nyiaj them nqi yog nyob ntawm daim ntawv thov kev pab, cov kev sib txuas lus uas sau rau hauv ntawv thiab hais ntawm ncauj, thiab lwm cov ntaub ntawv uas siv los soj ntsuam thiab pom zoo rau tus neeg los sis tus neeg them nqi qhov teeb meem, nrog rau cov hauv paus qauv ntawm no:

**Soj ntsuam kev tuav pov hwm:** Cov tib neeg uas muaj peev xwm yuav tau ib txoj kev tuav pov hwm mas yeej xav kom nws yuav, kom paub tias yuav tau cov kev pab kho mob, los pab rau lawv txoj kev noj qab haus huv, thiab los tiv thaiv lawv cov cuab tam.

Cov neeg mob uas muaj kev tuav pov hwm mas yuav tsum tau ua raws li lawv qhov chaw tuav pov hwm cov cai hais txog kev tso cai ua ntej thiab pawg neeg muab kev pab. Cov nqi tiv los ntawm qhov uas tsis ua raws li qhov chaw tuav pov hwm kom yuav tsum tau ua mas tej zaum yuav tsis suav rau hauv txoj kev pab nyiaj themnqi.

Cov neeg mob uas yuav kev tuav pov hwm tom hauj lwm mas tau ntau txoj kev pab los ntawm lawv qhov chaw tuav pov hwm, nrog rau kev pab tiv thaiv kev mob nkeeg thiab kev soj ntsuam txoj kev noj qab haus huv pub dawb thiab muaj kev txo nqi hauv daim ntawv cog lus. MCHS cov kev pab nyiaj them nqi uas txo nqi mas muaj rau cov neeg mob uas yuav kev tuav pov hwm tom hauj lwm{tsis nrog Medicaid} thaum uas tus nqi tiv uas yog tus neeg mob li feem xyuas nws tshaj ob txhiab, tsib puas duas las (\$2,500).

**Cov kev pab sab nraud:** Pawg neeg tswj xyuas thiab npaj MCHS cov chaw muab kev pab nyiaj them nqi muaj xws li kev soj ntsuam lwm cov chaw muab kev pab rau pej xeem los sis lwm cov koom haum uas muab kev pab them tus neeg mob cov nqi kho mob uas tsim nyog. MCHS tus neeg pab tawm tsim yuav xa cov neeg mob los sis lawv cov neeg them nqi mus rau cov kev pab sab nraud uas muaj yog tias pom tias tus neeg thov kev pab yuav tsim nyog, xws li rau Medicaid, cov kev pab them nqi tshuaj, cov kev pab cov neeg qhab, cov kev pab qub tub rog, cov kev pab rau kev tsis taus, lwm yam zoo li no. Yuav tsis pom zoo rau daim ntawv thov kev pab nyiaj them nqi yog tias tus neeg mob tsis ua raws li txoj kev soj ntsuam los ntawm cov qhov chaw sab nraud li ntawm 30 hnuv uas xa mus los sis muab pov thawj tias cov neeg sab nraud tau sau ntawv tias tsis pom zoo muab kev pab uas tau sau daim ntawv li ntawm rau (6) lub hlis ntawm hnuv thov MCHS kev pab nyiaj them nqi.

**Soj ntsuam tus As Khauj Uas Tsim Nyog (Qualified Account):** Cov neeg mob uas muaj cov as khauj khaws nyiaj los them nqi kho mob ua ntej txiav se mas yuav tsum tau siv cov nyiaj uas tshuav los them ua ntej yuav muab kev pab nyiaj them nqi.

**Soj Ntsuam Txog Cheeb Tsam Muab Kev Pab:** Muaj kev pab nyiaj them nqi rau cov kev pab uas yuav tsum yog Kev Mob Nkeeg Hnyav tsis hais seb tus neeg mob nyob hauv

Marshfield Clinic Health System's cheeb tsam muab kev pab los tsis nyob. Kev pab cuam tsim nyog rau kev kho mob, kev tsim nyog tau txais kev pab nyiaj txiag yog nyob ntawm tus neeg mob qhov chaw nyob raws li MCHS qhov kev pab cuam thiab seb qhov kev kho mob tsim nyog li (saib Qhov Qhia 5 hauv qab no rau daim ntawv qhia ntawm MCHS qhov kev pab cuam). Tiam sis, yuav txiav txim muab rau cov kev pab uas tshwj xeeb rau MCHS dua li rau lwm cov chaw muab kev pab uas nyob hauv zos hauv tus neeg mob qhov chaw nyob los sis hauv tus neeg mob pawg neeg muab kev kho mob hauv txoj kev tuav pov hwm. Tej zaum yuav kom tus neeg mob tus thawj kws kho mob muab pov thawj txog cov kev kho mob uas muaj hauv zos thiab cov kev pab nyiaj them nqi.

**Soj ntsuam txog nyiaj tau:** Yuav kom tag nrho cov neeg thov kev pab muab ntaub ntawv pov thawj txog cov nyiaj tau rau txhua tus neeg laus hauv tsev neeg. Cov ntaub ntawv thov tej zaum yuav muaj xws li: cov ntawv ua se tshiab tshaj (nrog rau cov schedules thiab forms xws li W-2, 1099, thiab qhov yus ua hauj lwm rau yus tus kheej) los sis 4506T Verification of Nonfiling; tw tshev, los sis cov qauv ntawm cov tw tshev; pov thawj los ntawm chaw ua hauj lwm seb tau nyiaj npaum li cas; cov ntawv qhia nyiaj hauv tus as khauj sau tshev, as khauj tso nyiaj, thiab as khauj tso nyiaj ua lag luam; cov ntawv txhawb nqa; thiab cov ntawv cog lus los sis cov ntawv hauv tsev hais plaub uas muaj feem tau nyiaj (xws li cov ntawv sib nrauj, cov ntawv cog lus ua ntej sib yuav, cov nyiaj ua xyoo them (annuities), cov ntawv cog lus yuav av, los sis nyiaj tau los ntawm qhov xauj tsev).

- Cov nyiaj tau muaj xws li cov nyiaj ua hauj lwm, cov nyiaj poob hauj lwm, cov nyiaj raug mob tom hauj lwm, cov nyiaj laus Social Security, nyiaj tsis taus Supplemental Security Income, nyiaj nom tswv, nyiaj qub tub rog, nyiaj rau tus neeg tseem nyob (survivor benefits), nyiaj laus thaum so hauj lwm (pension) los sis nyiaj so hauj lwm, nyiaj paj laum, nyiaj dividends, nyiaj xauj tsev, nyiaj them rau tus neeg tsim ib yam dab tsi (royalties), nyiaj tau los ntawm vaj tse, nyiaj hauv cov trusts, nyiaj yug txij nkawm, nyiaj yug me nyuam, nyiaj pab uas tawm sab nraum tsev neeg lawm, thiab lwm cov nyiaj uas tau lwm qhov los;
- Cov kev pab uas tsis yog nyiaj ntsuab (xws li nyiaj muas noj thiab tsev luam) mas tsis suav rau hauv;
- Txiav txim raws qhov tau ua ntej txiav se, piv txwv li cov nyiaj tau ua ntej txiav se tawm;
- Tsis suav cov nyiaj ua luam (capital) uas tau los sis poob.

**Soj ntsuam cov cuab tam:** Cov cuab tam uas yuav suav rau hauv txoj kev txiav txim txog kev tsim nyog rau kev pab nyiaj them nqi muaj xws li vaj tse, tsheb, cov tsheb caij ua si, cov as khauj nyiaj ntsuab, thiab lwm cov cuab tam uas yuav txheeb tau. Txoj kev soj ntsuam ib tug neeg cov cuab tam mas yuav siv cov ntaub ntawv uas pej xeeb sawv daws pom los tau los sis yuav thov kom tus neeg thov kev pab ntawd muab, nrog rau: cov ntawv qhia txog nyiaj ntsuab los sis cov as khauj tso ua lag luam; cov ntawv ua tswv rau vaj tse los sis tsheb; cov ntawv qhia txog se vaj tse; cov ntawv qhia txog kev tuav pov hwm; thiab cov ntawv cog lus, cov ntawv qhia, los sis cov ntawv los ntawm tsev hais plaub hais txog cov cuab tam (xws li nqi tsev yuav, cov nyiaj txais uas ua hli them, cov ntawv yuav av, vaj tse, thiab cov ntawv sib nrauj). Wisconsin Medicaid cov qauv taw qhia mas muaj raws li nram qab no los txiav txim txog cov cuab tam nyob li

cas thiab seb cov cuab tam uas nyuam qhuav muab muag ntawd nws raug nqi pes tsawg.

Qhov seb ib qho cuab tam raug nqi pes tsawg mas yog qhov uas seb yuav muag tau li cas (FMV) ces rho tawm ntawm qhov nyiaj txais uas tseem tiv. MCHS lees paub tias muaj tej co cuab tam thiab qhov uas seb raug nqi pes tsawg mas yuav pauv los ua nyiaj ntsuab nyuaj. Vim li no, qhov nyiaj pub txog (allowances) thiab cov kev tsis suav rau qee yam cuab tam raws li nram qab no:

- Tsis suav thawj \$100,000 ntawm qhov peev tau los ntawm lub tsev;
- Tsis suav txog \$14,000 ntawm cov peev rau thawj lub tsheb;
- Yuav tsis suav txog \$7,000 ntawm cov peev rau lub tsheb thib ob rau cov tsev neeg uas muaj coob tshaj ib tug neeg tsav tsheb;
- Tsis suav cov as khauj tso nyiaj rau yav laus (retirement accounts).

Tsib caug feem pua (50%) ntawm ib qho cuab tam los sis cov peev uas tshaj qhov nyiaj pub txog raws li tau piav saud mas yuav muab ntxiv rau qhov nyiaj tau thaum uas suav txoj kev tsim nyog rau kev pab nyiaj them nqi (“Cov Cuab Tam Tshaj”).

**Cov kev ua hli them rov qab uas twb muaj lawm:** Cov neeg mob uas muaj qhov ua hli them nqi mus ntev (suav cov “lines of credit rau kev kho mob”) tiam sis ho them tsis taus lawm vim muaj kev pauv hloov loj hauv cov nyiaj tau mas yuav thov tau kev pab nyiaj them nqi rau cov nqi uas tiv ntawd. Yog thaum zoo li no, tej zaum yuav muab kev pab nyiaj uas suav qhov uas tiv tam sim no es tsis hais txog qhov uas tau them ua ntej ntawd rau cov kev kho mob thaum lub sj hawm muab kev pab los sis raws li hauv qhov uas ua hli them nqi.

**Lub sijhawm pom zoo:** Ib daim ntawv thov kev pab uas tau kev pom zoo rau kev kho mob dawb mas yuav txuas mus rau rau lub lis tom ntej no ntawm hnub tim uas pom zoo. Cov kev pab tom ntej no uas tsim nyog uas tau txais thaum lub sij hawm rau lub hlis uas muab kev pom zoo yuav tau kev txo nqi tib yam li thawj txoj kev pom zoo. Yog hais tias ib tug neeg mob qhov teeb meem txog nyiaj nws pauv hloov thaum lub sij hawm rau lub hlis uas pom zoo ntawd, yuav kom tus neeg mob kho nws daim ntawv thov kev pab nyiaj kom raug.

## VII. **Kev Pab Nyiaj Them Nqi Cov Kev Txo Nqi**

Cov neeg mob uas tsim nyog rau kev pab nyiaj them nqi raws li hauv tsab cai no mas yuav tsis tsub tus nqi ntau dua tus nqi uas feem ntau tsub (AGB) rau cov neeg mob uas muaj kev tuav pov hwm rau cov kev kho mob thaum muaj xwm ceev los sis cov kev kho mob uas tsim nyog yuav tau kho (kev xam mas muaj piav qhia hauv Ntu XII hauv qab no). Cov neeg mob tej zaum yuav tau txais cov kev pab nram qab no, raws txoj kev soj ntsuam txog nyiaj txiag, cov cuab tam, thiab cov dej num ntawm kev kho mob:

**Kho Mob Dawb:** Tus nqi tsub ua ntej txo nqi (tsis muaj txo nqi) rau cov kev pab uas tsim nyog mas yuav zam rau cov neeg thov kev pab uas nws Cov Nyiaj Tau tag nrho nrog rau qhov Cuab Tam Tshaj (Excess Asset) nws nyob li ntawm los sis qis dua 200% ntawm nom tswv teb chaws tus qauv teeb tseg txog feem txom nyem tam sim no (federal poverty level), qhia nyob hauv Daim Duab 1.

**Txo Nqi rau Kev Kho Mob:** Cov neeg thov kev pab uas nws Cov Nyiaj Tau tag nrho nrog rau qhov Cuab Tam Tshaj (Excess Asset) mas nws ntau dua 200% tiam sis nws tsawg

dua los sis sib npaug nrog 400% ntawm nom tswv teb chaws tus qauv teeb tseg txog feem txom nyem tam sim no (federal poverty level) mas yuav muab ib tug nqi tso raws qhov them taus rau cov kev pab uas tsim nyog, qhia nyob hauv Daim Duab 1. Cov neeg mob uas tsis muaj kev tuav pov hwm mas yuav tau cov kev tso nqi rau cov nqi tsub uas tsis tau tso nqi rau cov kev kho mob thiab kev pab. Cov neeg mob uas muaj kev pov puag mas tsim nyog rau kev pab nyiaj thaum uas qhov tus neeg mob yuav tau them ntawd nws tshaj \$2,500, uas yog thaum zoo li no, yuav tso nqi rau tus neeg mob qhov nqi tiv tom qab qhov kev tuav pov hwm lawv them lawv feem.

**Qhov Txwv Rau Yam Puas Tsuj Loj:** Ib tug neeg mob uas muaj cov nqi kho mob ntau vim muaj kev puas tsuj loj mas tsim nyog rau kev pab uas yog yuav them rau qhov nqi tiv mas yuav tsum tau muab cov cuab tam muag kom tau nyiaj los them rau cov nqi los sis yuav ua ib qho kev nyuaj siab txog nyiaj xtiag. Cov neeg muaj mob tau txais kev tso nqi thaum lawv qhov FPL yog nyob los yog qis dua 600% thiab lawv cov nqi kho mob uas them rov qab rau MCHS tau tshaj tawm 10% ntawm cov nyiaj tau los (tsis suav txog cov Khoom Muaj Nqis). Cov nqi tiv uas tshaj 10% ntawm cov nyiaj tau mas yuav zam rau tias yog kev pab nyiaj rau kev puas tsuj loj.

**Yuav Tau Them Nqi:** Cov neeg mob uas tsim nyog rau Kev Pab Nyiaj mas yuav tsum ua raws li MCHS Tsab Cai Hais Txog Kev Xa Nqi thiab Sau Nqi thiab cov sij hawm yuav them qhov nyiaj tiv ntawd tom qab siv qhov kev tso nqi los ntawm kev pab nyiaj them nqi.

**Nyiaj Rov:** Ib tug neeg mob uas pom tias tsim nyog rau kev pab nyiaj them nqi mas yuav rov nws qhov nyiaj uas nws tau them rau txoj kev kho mob uas tsim nyog uas xam raws nws li feem xyuam rov qab rau nws raws li hauv tsab cai hais txog kev pab nyiaj them nqi. Cov nyiaj rov mas yuav muab rov qab yog tias nws yog tsib duas las (\$5) los sis ntau tshaj ntawd.

### **VIII. Kev Xav Tias Tej Zaum Muaj Cai Tau (Presumptive Eligibility)**

Muaj qee lub sij hawm uas tej zaum yuav txiav txim tias ib tug neeg mob tsim nyog rau kev pab nyiaj them nqi txawm tias tus neeg mob tsis muab daim ntawv thov kev pab nyiaj them nqi los sis tsis muab cov ntaub ntawv pov thawj tuaj. Cov ntaub ntawv uas tau los ntawm lwm qhov chaw los tej zaum yuav ua tau pov thawj txaus rau MCHS pawg neeg tswj xyuas los txiav txim txog kev tsim nyog rau txoj kev pab nyiaj them nqi (“Kev Xav Tias Tej Zaum Muaj Cai Tau”). Cov kev txiav txim txog qhov Kev Xav Tias Tej Zaum Muaj Cai Tau mas yog nyob raws tej yam hais txog tib neeg thiab nyiaj xtiag (socio- economic) uas qhia tias tsis muaj nyiaj txaus, xws li: tsim nyog rau ib ho kev pab los ntawm xeev thiab hauv zos, tsis muaj tsev nyob, nyob hauv cov tsev rau cov neeg tau nyiaj tsawg, nrhiav tsis tau ib qho estate rau tus neeg mob uas tuag lawm, thiab lwm cov twj ntsuas txog qhov neeg nyob (demographic) thiab cov kev ntsuam xyuas uas muaj.

Cov kev tso nqi rau Kev Xav Tias Tej Zaum Muaj Cai Tau mas muab rau kev kho mob dawb (tso nqi 100%) xwb thiab tsuas siv rau cov nqi uas tsis tau them xwb. Yog hais tias ib tug as khauj tsim nyog rau Kev Xav Tias Tej Zaum Muaj Cai Tau, yuav siv cov kev ntsuas uas tsim nyog los thim Cov Kev Tsib Nqi Nruj, yog muaj, raws li tau piav hauv MCHS Tsab Cai Hais Txog Kev Xa Nqi thiab Sau Nqi.

### **IX. Tus Txheej Txheem Thov Kev Pab**



MCHS xav txheeb tus neeg mob txoj kev xav tau nyiaj pab kom sai li sai tau. Xav thov kom tus neeg mob txheeb tias muaj kev tim tsum kev pab nyiaj them nqi thaum teem sij hawm, txais kho mob Iso sis tso tawm mus tsev, los sis kom sai li sai tau tom qab ntawd. MCHS yuav txais daim ntawv thov kev pab nyiaj them nqi mus yam tsawg 240 hnuv tom qab tus neeg mob thawj daim nqi rau tom qab tawm mus tsev. Yog hais tias ib tug as khauj uas ntev dua 240 hnuv ntawm thawj daim ntawv nqi rau tom qab tawm mus tsev tau tig mus ua ib txoj kev sib foob, yuav txais daim ntawv thov kev pab nyiaj them nqi kom txog hnuv txiav txim kawg nkaus los sis hnuv hais rooj plaub tas.

Yog hais tias ib tug neeg mob qhia tias nws tsis muaj peev xwm them, los sis xav tau kev pab nyiaj, muaj ib tug neeg pab tawm tswv yim hauv Chaw Pab Tus Neeg Mob (Patient Assistance Center) yuav los nrog tus neeg mob tham thiab muab cov kev xa mus rau lwm cov koom haum sab nraud yog tias tus neeg mob nws tsim nyog. Yuav muab daim ntawv thov kev pab nyiaj uas muaj cov lus qhia thiab daim ntawv teev tag nrho cov ntaub ntawv uas tej zaum yuav xav kom tau ntawd rau tus neeg mob. Yuav siv daim ntawv thov kev pab thiab cov ntaub ntawv pov thawj los txiav txim txog qhov xav tau kev pab nyiaj ntawm tus tib neeg raws nws cov nyiaj tau, tsev neeg muaj puas tsawg leej, thiab cov cuab tam raug nqi li cas.

Muaj cov kws pab tawm tswv yim hauv xov tooj thiab tim ntsej tim muag los pab teb daim ntawv thov kev pab nyiaj. Hu rau 1-800-782-8581, txuas rau 94475 es teem sij hawm nrog rau ib tug kws pab tawm tswv yim. Muaj kev pab tim ntsej tim muag ntawm cov chaw uas nyob rau hauv Daim Duab 4.

Yuav tsum tau teb daim ntawv thov kev pab kom tiav thiab xa tuaj li ntawm 15 hnuv ntawm hnuv uas tau muab daim ntawv thov kev pab los sis hnuv xa mus rau tus neeg mob. Yog hais tias xav tau sij hawm ntxiv los teb daim ntawv thov kev pab los sis los muab cov ntaub ntawv pov thawj, tus neeg mob yuav tsum tau qhia txog qhov no rau qhov Chaw Muab Kev Pab Tus neeg Mob. Yog hais tias kam txuas sij hawm ntxiv, tus neeg pab tawm tswv yim yuav nres cov kev hu xov tooj tuaj tsib nqi thiab cov ntawv sau tuaj tsib nqi rau lub sij hawm uas tau qhia muaj nov.

Xa los sis nqa daim ntawv thov kev pab nyiaj them nqi uas teb tiav hlo nrog rau cov ntaub ntawv pov thawj mus rau:

**Marshfield Clinic Health System**  
Patient Assistance Center, 3Q4  
1000 North Oak Avenue  
Marshfield, WI 54449  
1-800-782-8581, txuas rau 94475

Thaum txais tau daim ntawv thov kev pab nyiaj them nqi uas teb tiav hlo lawm thiab kom txog thaum uas tau sau ntawv qhia txog qhov kev txiav txim rau tus neeg mob, raws li piav qhia hauv nqe lus no, yuav tsis pub siv cov ECA thiab yuav tsis ua dab tsi mus txuas ntxiv rau cov ECA uas muaj no. Li ntawm 30 hnuv tom qab xa daim ntawv thov kev pab nyiaj uas teb tiav ntawd tuaj, MCHS yuav txiav txim seb tus neeg mob puas tsim nyog yuav tau kev pab nyiaj thiab yuav sau ntawv qhia rau tus neeg mob txog ib qho kev pom zoo txog

txo tus nqi. MCHS yuav xyuas kom thim cov ECA uas twb ua lawm, yog tias muaj, hais txog tus nqi uas tau pom zoo muab kev pab nyiaj rau.

Cov neeg mob uas tsim nyog rau kev txo nqi, tiam sis tsis yog kev kho mob dawb, mas yuav sau ntawv qhia rau nws hais txog cov nqi uas tseem tshuav, nrog rau seb tau txiav txim txog tus nqi li cas thiab seb yuav muab tau cov lus qhia hais txog AGB li cas. Tej zaum yuav kom tus neeg mob nrog Tus Neeg Pab Tawm Tswv Yim Hauv Chaw Pab Neeg tham txog cov sij hawm them nqi. Cov nqi uas tseem tshuav mas yuav ua raws li hauv MCHS Tsab Cai Hais Txog Kev Xa Nqi thiab Tsib Nqi. Thiab cov ntaub ntawv thiab tej ntaub ntawv uas pab yuav muab pov tseg tsis pub lwm tus paub.

Thaum txais tau ib daim ntawv thov kev pab nyiaj uas teb tsis tiav, yuav sau ib daim ntawv mus qhia rau tus neeg mob uas piav txog seb yuav tsum tau muaj cov ntaub ntawv dab tsi ntxiv. Yuav muab ib lub sij hawm kom tsim nyog rau koj los ua kom tiav. Yuav tsis pib siv cov ECAs thiab yuav tsis ua dab tsi mus txuas ntxiv rau cov ECA uas twb muaj lwm thaum lub sij hawm no. Thaum lub sij hawm ntawd tas lawm, yog tias tseem tsis tau txais daim ntawv thov kev pab uas teb tiav tuaj, yuav pib tej num tsib nqi hauv ib tug as khauj li niaj zaus, raws li piav hauv MCHS Tsab Cai Txog Kev Xa Nqi thiab Sau Nqi.

**X. Rau Koj:**

Yog hais tias tsis pom zoo rau ib daim ntawv thov kev pab nyiaj, qhov Chaw Muab Kev Pab Tus Neeg Mob mam sau ntawv tuaj qhia rau tus neeg mob txog vim qhov twb es thiaj li tsis pom zoo raw li kev thov ntawm 30 hnub thaum thov kev pab. Cov neeg mob yuav thov tau kom rov xyuas txoj kev thov tsis pom zoo uas hu rau 1-800-782-8581, txuas rau 94475 los sis sau ntawv mus rau qhov chaw nyob saud.

**XI. Feem Raug rau Kev Xa Nqi thiab Sau Nqi**

Thaum tseem soj ntsuam thiab muab kev pom zoo rau daim nawv thov kev pab, yuav xa daim ntawv qhia txog tus as khauj tuaj txhua hli li niaj zaus.

Yog thaum tus neeg mob tsim nyog rau txoj kev pab nyiaj tiam sis tsis them tus nqi tshuav kom raws sij hawm (nrog rau, yog tias siv, txoj kev cog lus ua hli them), MCHS yuav nqis tes ua raws li cov kev ua uas nyob hauv Tsab Cai Txog Kev Xa Nqi thiab Sau Nqi, muaj ib daim pub dawb ntawm [www.marshfieldclinic.org/financial-assistance](http://www.marshfieldclinic.org/financial-assistance).

**XII. Cov Kev Xyuas Kom Qhia Tawm Rau Txhua Tus Txog Tsab Cai Muab Kev Pab Nyiaj Them Nqi**

Cov lus qhia hauv MCHS Tsab Cai Hais Txog Kev Pab Nyiaj Them Nqi mas yuav muab lo rau hauv qhov chaw rau npe hauv lub tsev kho mob loj thiab ntawm cov chaw txais kho mob thiab hauv lub tsev kho mob chav kho mob thaum muaj xwm ceev. Cov lus qhia txog kev pab nyiaj mas muaj luam rau cov nqi uas xa tawm txhua hli thiab muaj nyob hauv lwm cov ntaub ntawv sib txuas lus kom thiaj li qhia tau rau txhua tus tias muaj kev pab nyiaj, raws li piav qhia hauv MCHS Tsab Cai Hais Txog Kev Pab Nyiaj Them Nqi. MCHS Tsab Cai Hais Txog Kev Pab Nyiaj Them Nqi (suav Daim Ntawv Sua Lus Txog Lub Ntsiab Tseem Ceeb), Daim Ntawv Thov Kev Pab Nyiaj Them Nqi, thiab Tsab Cai Txog Kev Xa Nqi thiab Sau Nqi mas muaj ua lus Askiv, Lus Mev, Lus Hmoob, thiab lwm hom lus uas

thawj hom lus yog hais los ntawm tsawg dua 1,000 tus tib neeg los sis 5% ntawm cov neeg hauv Cheeb Tsam Muab Kev Pab.

- Saib Cov Ntawv Qhia 5 hauv gab no rau daim qhia kev ntawm Marshfield Clinic Services.

MCHS Tsab Cai Hais Txog Kev Pab Nyiaj Them Nqi (suav Daim Ntawv Sua Lus Txog Lub Ntsiab Tseem Ceeb), Daim Ntawv Thov Kev Pab Nyiaj Them Nqi, thiab Tsab Cai Txog Kev Xa Nqi thiab Tsib Nqi mas yuav muab tau dawb:

- Hauv lub vas sab (website), ntawm [www.marshfieldclinic.org/financial-assistance](http://www.marshfieldclinic.org/financial-assistance);
- Tuaj nqa, los ntawm cov neeg pab tawm tswv yim txog nyiaj txiag ntawm cov chaw uas qhia nyob rau hauv Daim Duab 4;
- Hauv xov tooj, ntawm 715-389-4475 los sis 800-782-8581, txuas rau 94475;
- Hauv kev xa ntawv, uas sau ntawv mus rau qhov chaw nyob uas muaj nyob hauv Ntu IX Tus Txheej Txheem Thov Kev Pab.

### **XIII. Cov Nqi Xa Rau Cov Neeg Mob Uas Tsim Nyog Rau Kev Pab Nyiaj Them Nqi**

Cov neeg mob uas tsim nyog rau kev pab nyiaj raws li hauv tsab cai no mas yuav tsis tsub nqi rau nws them ntau dua tus nqi uas feem ntau tsub (AGB) rau cov neeg mob uas muaj kev tuav pov hwm rau kev pab kho mob thaum muaj xwm ceev los sis kev pab kho ib tug mob uas tsim nyog yuav tau kho.

MCHS txiav txim siab AGB rau cov chaw kho mob thiab txhua lub tsev kho mob uas muaj ntau tshaj 12 lub hlis ntawm kev thov keeb kwm siv los ntawm Tus Txheej Txheem Saib Rov Qab. AGB yog raws tus nqi uas pub txog nyob hauv Medicare Fee- For-Service thiab tag nrho cov chaw tuav pov hwm uas them cov nqi kho mob rau cov tsev kho mob loj los sis tsev kho mob me uas siv ntawd, hauv lub sij hawm 12 lub hlis, ces muab faib raws tus nqi tsub tag nrho ua ntej txo nqi rau cov nqi kho mob ntawd. Tus AGB mas yuav muab xam yam tsawg ib xyoos ib zaug. Tus AGB uas kho tshiab mas yuav siv rau hnuv 120 tom qab lub sij hawm 12 lub hlis uas ntsaus ntawd xaus. Cov neeg mob yuav muab tau AGB tus feem pua tam sim no thiab cov lus piav qhia uas los nrog txog txoj kev xam uas sau rau hauv ntawv thiab yam uas tsis tau them ib tug nqi li uas hu rau 715-389-4475 los sis 800-782-8581, txuas rau 94475.

MCHS txiav txim siab AGB rau txhua lub tsev kho mob twg uas muaj kev thov ua ntej 12 lub hlis dhau mus siv cov txheej txheem Medicare no. Raws li txoj kev xav tau, MCHS yuav tsis sau nqi rau cov neeg mob uas tau txais kev pab nyiaj txiag ntau dua qhov Medicare pom zoo.

### **XIV. Tsis pub lwm tus neeg paub:**

MCHS lees paub tias txoj kev thov kev pab nyiaj mas yog ib qho teeb meem uas muaj kev txaj muag (sensitive) thiab raug rau tus kheej heev rau cov neeg mob. Yuav tsis pub lwm tus neeg paub txog cov ntaub ntawv kho mob thiab yuav txuag tus neeg lub meej mom rau tag nrho cov neeg uas thov kev pab nyiaj them nqi nyob rau hauv Tsab Cai no. Yuav tsis qhia tawm cov lus qhia uas nyob hauv tus neeg mob daim ntawv thov kev pab tshwj tsis yog tias tus neeg mob tso cai los sis txoj cai kom yuav tsum tau ua. Cov ntaub ntawv ua tsis tiav thiab tej ntaub ntawv pab yuav muab pov tseg tsis pub lwm tus paub.

**XV. Lwm Cov Cai Uas Muaj Feem:**

- a. MCHS Tsab Cai Txog Kev Xa Nqi thiab Sau Nqi
- b. Family Health Center of Marshfield, Inc. Tsab Cai Txog Hais Kev Pab Nyiaj

**Cov Ntawv Los Nrog:**

- Daim Duab 1 Cov Kev Txo Nqi Rau Kev Pab Nyiaj
- Daim Duab 2 Daim Ntawv Thov Kev Pab Nyiaj Them Nqi Ua Piv Txwv
- Daim Duab 3 Cov Kws Kho Mob thiab Cov Chaw Kho Mob Uas Siv Tsab Cai Hais Txog  
Kev Pab Nyiaj Them Nqi
- Daim Duab 4 Daim Ntawv Sua Lus Txog Lub Ntsiab Tseem Ceeb txog Tsab Cai Hais Txog  
Kev Pab Nyiaj Them Nqi
- Daim Duab 5 Marshfield Clinic Health System cov chaw muaj kev pab

**DAIM DUAB 1**

**Cov Kev Txo Nqi Ntawm Txoj Kev Pab Nyiaj**

**Tus Qauv Txog Nyiaj Tau:** 2022 nom tswv teb chaws pab txog feem txom nyem raws seb muaj pes tsawg leej hauv tsev neeg:

| Household Size | 100% FPL | 200% FPL | 250% FPL  | 300% FPL  | 350% FPL  | 400% FPL  |
|----------------|----------|----------|-----------|-----------|-----------|-----------|
| 1              | \$13,590 | \$27,180 | \$33,975  | \$40,770  | \$47,565  | \$54,360  |
| 2              | \$18,310 | \$36,620 | \$45,775  | \$54,930  | \$64,085  | \$73,240  |
| 3              | \$23,030 | \$46,060 | \$57,575  | \$69,090  | \$80,605  | \$92,120  |
| 4              | \$27,750 | \$55,500 | \$69,375  | \$83,250  | \$97,125  | \$111,000 |
| 5              | \$32,470 | \$64,940 | \$81,175  | \$97,410  | \$113,645 | \$129,880 |
| 6              | \$37,190 | \$74,380 | \$92,975  | \$111,570 | \$130,165 | \$148,760 |
| 7              | \$41,910 | \$83,820 | \$104,775 | \$125,730 | \$146,685 | \$167,640 |
| 8              | \$46,630 | \$93,260 | \$116,575 | \$139,890 | \$163,205 | \$186,520 |

**Kev Kho Mob Dawb los sis Txo Nqi:** Cov neeg thov kev pab uas nws tsev neeg cov nyiaj tag nrho nrog rau tus nqi ntawm cov cuab tam tshaj (raws li txhais nyob hauv Tsub Cai Hais Txog Kev Pab Nyiaj Them Nqi) nws tsawg dua los sis sib npaug rau 400% ntawm nom tswv teb chaws tus qauv teeb tseg txog feem txom nyem tam sim no mas yuav tau kev txo nqi rau cov kev pab. Cov neeg muaj kev tuav pov hwm tsim nyog rau kev pab nyiaj them nqi thaum uas tus neeg mob feem xyuam nws tshaj \$2,500 yog pom zoo pab, qho txo nqi hauv qab no yuav siv rau tag nrho tus neeg mob daim nqi.

| Luv nqi rau cov chaw nov                                      | Txog Feem Txon Nyem Kev Pab Nyiaj Them Nqi Kev Txo Nqi |   |   |
|---|--|---|---|
|   | a) Tsawg dua los sis sib npaug rau 200%                | b) Siab tshaj 200% thiab tsawg dua los sis sib npaug rau 300% | c) Siab tshaj 300% thiab tsawg dua los sis sib npaug rau 400% |
| Clinics (Marshfield Clinic, all independent clinic locations) | 100%   | 75%   | 56%   |
| Marshfield Medical Center- Beaver Dam                         | 100%   | 75%   | 66%   |
| Marshfield Medical Center- Eau Claire                         | 100%   | 75%   | 57%   |
| Marshfield Medical Center- Ladysmith                          | 100%   | 75%   | 32%   |
| Marshfield Medical Center- Marshfield                         | 100%   | 75%   | 58%   |
| Marshfield Medical Center- Minocqua                           | 100%   | 75%   | 61%   |
| Marshfield Medical Center- Neillsville                        | 100%   | 75%   | 43%   |
| Marshfield Medical Center- Park Falls                         | 100%   | 75%   | 35%   |
| Marshfield Medical Center- Rice Lake                          | 100%   | 75%   | 57%   |
| Marshfield Medical Center-Weston                              | 100%   | 75%   | 61%   |

**DAIM DUAB 2**

**Daim Ntawv Thov Kev Pab Nviaj Them Nqi**

[https://marshfieldclinic.org/mPatientResources/Documents/9-82547-02\\_v7.pdf](https://marshfieldclinic.org/mPatientResources/Documents/9-82547-02_v7.pdf)

**DAIM DUAB 3**

**Cov Kws Kho Mob thiab Lwm Cov Chaw Kho Mob Uas Siv Tsab Cai**

Cov kev pab thaum muaj xwm ceev thiab kev pab rau tus mob uas yuav tsum kho uas muab los ntawm Marshfield Clinic Health System cov chaw kho mob, uas tsis suav cov kev pab los ntawm Family Health Center of Marshfield, Inc., mas tsim nyog rau kev tuav pov hwm nyob rau hauv tsab cai no.

Tej zaum lwm cov chaw muab kev pab yuav muaj cov kev pab thaum muaj xwm ceev los sis kev pab rau ib tug mob uas yuav tsum tau kho ntawm MCHS cov tuam tsev. Hauv qab no yog ib daim ntawv teev cov chaw muab kev pab thiab seb lawv puas nyob hauv MCHS tsab cai hais txog kev pab nyiaj no.

| <b>Pawg Muab Kev Pab</b>                 | <b>Muaj nrog MCHS Tsab Cai Hais Txog Kev Pab Nyiaj Them Nqi</b> | <b>Cov Lus Cim</b>  |
|--|---|---|
| Marshfield Clinic Health System, Inc     | Yes   | <a href="https://www.marshfieldclinic.org/doctor">https://www.marshfieldclinic.org/doctor</a> |
| Family Health Center of Marshfield, Inc. | No  | Assistance available under FHC's policy   |
| Branham Healy Orthopedic Clinic S.C.     | No*   |   |
| Advanced Pain Management                 | No  |   |
| AmeriPath Milwaukee                      | No  |   |
| Associated Podiatrists, LLP              | No  |   |
| Community Pediatrics                     | No  |   |
| Chippewa Valley Eye Clinic               | No*   |   |
| Dean Clinic                              | No  |   |
| Dean Specialty Clinic                    | No  |   |
| Dean Health Systems, Inc.                | No  | Except for services provided at MMC-Beaver Dam prior to 6/1/2021.                             |
| Dermatology Associates                   | No  |   |
| eCare of Wisconsin, LLC                  | No  |   |
| Envision Physician Services              | No  |   |
| Face and Skin, LLC                       | No  |   |

|   |     |  |
|---|-----|--|
| Grote, Mary A   | No  |  |
| Hansfield, Scott M, MD  | No  |  |
| Kalinosky, Thomas J, DO   | No  |  |
| LuyTan, Wilson H MD   | No  |  |
| Milwaukee Radiologists  | No  |  |
| Unity Point Health – Meriter Heart and Vascular Institute                                   | No  |  |
| Unity Point Health – Meriter Spine Center   | No  |  |
| Unity Point Health – Meriter Orthopedics  | No  |  |
| Paladina Health   | No  |  |
| Physical Medicine Rehabilitation Independent Services                                       | No  |  |
| Randolph Community Clinic   | No  |  |
| River City Psychological Services   | No  |  |
| Urology Services  | No  |  |
| UW Health   | No  | Except for services provided at MMC-Beaver Dam |
| Any other providers offering emergency or medically necessary services at any MCHS hospital | No* | Ahmed, Aisha MD                                |
|   |     | Akhtar, Muhammad MD                            |
|   |     | Chiang, Alfred DO                              |
|   |     | Kyle Dettbarn MD                               |
|   |     | Eichten, Jeffrey MD                            |
|   |     | Fassbinger, Katie MD                           |
|   |     | Foerster, Susan MD                             |
|   |     | Godar, Dennis DMD                              |
|   |     | Graham, Peter MD                               |
|   |     | Gray, Roger JR MD                              |
|   |     | Hirsch, Michael MD                             |
|   |     | Horton, William DDS                            |
|   |     | Karlstad, Martha MD                            |
|   |     | Kowski, Joel DPM                               |
| Martin, Garry DPM   |     |  |



|  |     |                      |
|--|-----|----------------------|
|  | No* | McKee, David MD      |
|  |     | Mitchell, Michael MD |
|  |     | Mueller, Rick DMD    |
|  |     | Nathan, Katherine PA |
|  |     | Redfield, Robert MD  |
|  |     | Reding, Douglas MD   |
|  |     | Whitney, Courtney DO |

*\*Rau cov chaw kho mob uas tsis nyob hauv Marshfield Clinic pawg kws kho mob, hu ncaj qha rau pwg kho mob es nug seb lawv puas muaj ib tsab cai hais txog kev pab nyiaj them nqi.*

**DAIM DUAB 4**

**Sua Lus Txog Lub Ntsiab Tseem Ceeb Hauv Tsab Cai Hais Txog Key Pab Nvi**

[https://marshfieldclinic.org/mPatientResources/Documents/Plain%20Language%20Summar\\_Hmong.pdf](https://marshfieldclinic.org/mPatientResources/Documents/Plain%20Language%20Summar_Hmong.pdf)

